



Fakamatala fakamuimui taha ki he tu'unga 'oe 'Ea, pea mo e fakafuofua ki he 'Uha .



Sanuali ki Ma'asi 2026


Tukuatu: 12 Tisema 2025

Koe toe vakai kihe 'Ea 'i he mahina Novema:

- Na'e tofuhia 'ae 'out Tonga 'ihe tapuaki vai 'aia na'e ma'olunga 'aupito 'ihe 'avalisi, vakai kihe Tepile 1 moe kalafi 'i lalo.
- Koe lahi taha e 'uha 'ihe houa 'e 24 na'e 205 mm 'ihe me'afua 'i Longomapu, Vava'u 'ihe 'aho 25.
- Koe 'avalisi 'oe mafana 'oe 'Ea na'e 25.7°C 'oku tatau pe ia mo e 'avalisi anga maheni.
- Koe mafana taha 'oe 'Ea na'e 34.0°C 'i Nomuka 'ihe 'aho 13.
- Koe mokomoko taha 'oe 'Ea na'e 19.6°C 'ihe po'uli 'oe 'aho 30 i Lapaha, Tongatapu.


Tepile 1.

'Uha (mm) meihe mahina e 6 kuo hili, Sune ki Novema 2025						
	Sune	Siulai	'Aokosi	Sepitema	'Okatopa	Novema
Niufo'ou		57.0	67.5	112.5	69.5	374.0
Niuatoputapu	141.6	72.0	7.0	102.3	56.5	466.2
Vava'u	284.6	127.1	19.6	112.3	81.1	342.3
Ha'apai	126.6	77.4	59.8	65.1	166.5	181.8
Fua'amotu	69.2	83.6	225.2	20.3	79.7	370.4
Nuku'alofa	57.0	54.0	208.5	37.0	151.0	334.0
'Eua	120.7	82.1	214.0	50.4	171.0	277.1
Ma'olalo ihe 'avalisi		'Avalisi angamaheni			Ma'olunga 'ihe 'avalisi	



Koe fua óe mafana óe 'Ea moe 'Uha mei he ngaahi vahe lalahi 'o Tonga íhe mahina e 13 kuo hili.

Felave'i moe ngaahi sekitoa:




- Kuo to mai 'ae ngaahi tapuaki vai lahi pea tofuhia ai 'a Tonga kotoa. 'oku mahu'inga pe ngaue fakapotopoto to 'aki 'ae vai pea tanaki 'ae vai 'oku ma'a.




- Ko e kelekele kuo lelei he vai kuo to o tofuhia aipe a Tonga kotoa. Fakatokanga'i ange ke faka'aonga'i e ngaahi founga fakapotopoto 'ihe ngoue'anga pehe kihe tauhi oe fanga monumanu telia 'ae ngaahi uesia e ala hoko.


Fua'amotu (3097) - Temperature & Rainfall for the last 13 Months
(November, 2024 - November, 2025)



Ha'apai (3092) - Temperature & Rainfall for the last 13 Months
(November, 2024 - November, 2025)






Lupepau'u (3091) - Temperature & Rainfall for the last 13 Months
(November, 2024 - November, 2025)



Fakafuofua kihe 'Uha moe Mafana 'oe 'Ea ki Sanuali ki Ma'asi 2026

- Koe fakafuofua 'e lahi pe ke 'ihe 'avalisi angamaheni pe ma'olunga he 'avalisi 'ae 'uha ki he 'otu Tonga.
- Kei mafana ange ai pe 'ae 'Ea 'ihe 'avalisi angamaheni 'ihe kotoa pe 'otu Tonga.
- Koe mafana 'oe tahi 'oku fakafuofua 'e ma'olunga 'ihe 'avalisi 'ihe kotoa pe 'oe 'otu Tonga.
- 'E ma'olalo 'i he 'avalisi angamaheni 'ae ma'olunga e tahi 'ihe ngaahi potutahi 'o Tongatapu 'o a'u ki Vava'u.
- Kuo lahi 'ae mafola mai ae potutahi mokomoko pe koe La Nina ki he Pasifiki. Kuo lahi 'ae ngaahi faka'ilonga 'ihe 'oseni moe 'etimosifia 'ae fengau'e'aki 'ae ngaahi 'elemeniti 'oku nau fo'u mo fakaivia 'ae konga tahi mokomoko koeni pe koia oku iloa koe La Nina. Koe faha'i ta'u lelei eni ki Tonga 'oku hoko mai 'ihe taimi mafana moe 'uha pea 'oku fenapasi pe moe fakafuofua ke lahi ange 'ae 'uha 'ihe angamaheni.

Feitu'u	Fakafuofua ki he 'Uha Sanuali — Ma'asi 2026		% Faingamalie ke hoko 'ae fakafuofua
Niuafo'ou	Ma'olunga he 'avalisi	723 mm – 956mm	50 - 60
Niuaatoputapu	Ma'olunga he 'avalisi	655mm – 632mm	50 - 60
Vava'u	Ma'olunga he 'avalisi	726mm – 956mm	40 - 60
Ha'apai	Ma'olunga he 'avalisi	566mm – 790mm	40 - 60
Fua'amotu	'Avalisi	483mm – 852mm	40 - 50
Nuku'alofa	'Avalisi	530mm – 731mm	40 - 50
'Eua	'Avalisi	488mm – 854mm	40 - 50



Koe ngaahi faka'ilonga tu'ufonua ki he faha'ita'u saikolone.

- Koe fua to'ulu e 'akau fua o mahulu ange 'ihe anga maheni 'oku faka'ilonga 'e 'iai e afa 'ihe faha'i ta'u afa koia.
- Koe taimi 'oku fa'u pununga ai 'ae fanga pii 'ihe ngaahi nge'esi pupuu pe ofi 'aupito kihe kelekele pehe foki ki fale pea 'oku faka'ilonga mai 'e 'iai ha matangi saikolone 'ihe faha'i ta'u saikolone koia
- Koe hina 'oka nau ka fa'u kupenga he ngaahi feitu'u ataa 'o 'ikai ke fakatoitoi ha feitu'u pea mahino 'oku 'ikai ke ofi mai ha saikolone.
- Koe muka 'oe siaine moe hopa 'o kapau 'oku lahi kenau mapelu pea 'oku ne talamai 'e 'iai e afaa.
- Koe 'asi 'ae lofa talamatangi 'i lotofonua 'oku ne faka'ilonga mai 'oku 'iai 'ae Matangi oku ofi mai.
- Koe taimi 'oku kamata ke matala ai e ngaahi 'akau kakala tu'ufonua 'oku faka'ilonga 'oku ha'u e mafana.
- Kapau 'e lahi e mongomonga 'i fale pea mafana e 'ea mo nau puna 'oku faka'ilonga 'oku vave ha to mai ha 'uha

Lau mahina fakatonga:

Koe konga 'o Lihamui, Vaimu'a, Vaimui, Faka'afumo'ui (Tisema ki Fepueli).

Koe faha'ita'u mafana pea kuo kamata ke fisi e 'akau matala moe 'akau fua. Koe kamata 'oe faha'ita'u 'uha pea 'oku fiefia 'ae kau tangata o tokanga ka 'oku fa'a ha'u foki moe hako moe 'uha lahi 'o hoko koe palo-palema kihe ngoue.

Tohi Mahina, Tonga 2025

2025	Kalipa tu'u (Tu'u efiafi e mahina)	Mahina katoa	Kalipa to	Mate 'ae mahina (mahina fo'ou)	Kalipa tu'u (Tu'u efiafi e mahina)
Sanuali	7	14	22	30	
Fepueli	5	13	21	28	
Ma'asi	7	14	23	30	
'Epeleli	5	13	21	28	
Me	5	13	21	27	
Sune	3	11	19	25	
Siulai	3	11	18	25	
'Aokosi	2	9	16	23	31
Sepitema		8	14	22	30
'Okatopa		7	14	22	30
Novema		6	12	20	28
Tisema		5	12	20	28

Ngaahi me'a ke Fakatokanga'i

Koe faha'i ta'u mafana na'e kamata 'i he 'aho 1 'o Novema pea 'e toki ngata kihe 'aho 30 'Epeleli. Koe taimi foki eni 'oku angamaheni áki ke 'ihe 'avalisi pe lahiange 'ihe 'avalisi 'ae 'uha. 'Oku toe 'iloa foki 'ae faha'i ta'u koeni koe faha'ita'u Afaa.

Fakatatau kihe tu'unga lolotonga 'oku 'iai 'ae ngaahi vahefonua pea moe 'uha he ngaahi mahina e tolu kuo hili 'ikai ke ngata ai ka koe ngaahi fakafuofua kuo tukuatu 'i 'olunga, 'oku fale'i atu ai kihe kakai kotoape ke tanaki e vai 'ihe taimi 'oku 'uha ai pea ngaue fakapotopoto 'aki 'ae vai 'uha. Fakapapau'i ma'u pe 'oku ma'u 'ae ngaahi fakamatala fakamuimuitaha meihe va'a Fakamatala 'Ea pea moe ngaahi fale'i meihe ngaahi kupu fekau'aki tautefito kihe ngaahi va'a 'oku tu'u lavea ngofua kihe fakatamaki fakaenatula o hange koe Ngoue, Mo'ui, Vai moe fakatamaki fakaenatula ke matuútaki pea faka si'isi'i 'ae uesia moe maumau 'e ala hoko tupu meihe ngaahi fakatamaki fakanatula.

Koe fakamatala 'Ea hoko 'e tuku atu ia fakafuofua kihe uike 2 'o Sanuali 2026 pe ofi kiai.

Fakatokanga'i ange.

Koe fakamatala ni 'oku fa'u ia 'i he 'osi pe 'ae mahina kotoa hili hano tanaki mai e fakamatala mei he ngaahi 'ofisi vakai matangi 'I he 'otu Tonga ni. Lolotonga hono fakahoko 'ehe Potungaue 'a hono 'anlaiso mo fakapapau'i 'ae ngaahi fakamatala kuo tanaki ke fa'u 'aki 'ae fakamatala ni, 'oku 'ikai ke fakapapau atu 'ae Potungaue kihe kakato moe tonu 'ae fakamatala ni pea 'oku 'ikai ke totonu keke falala kakato kihe ngaahi fakamatala ni. Koe ngaahi fakamatala ni 'oku 'oatu pe ke tokoni ki ho'o fai tu'utu'uni. He 'ikai ke 'iai ha kaunga 'ae Potungaue ki ha'o faitu'utu'uni pe ko ha mole, maumau pe mo'ua 'e hoko tupu mei ha'o ngaue'aki 'oe fakamatala ni. Ki ha'o toe faka'eke'eke fekau'aki moe fakamatala ni pea ke kataki 'o fetu'utaki mai ki he talekita 'oe Potungaue Vakai Matangi 'I he metstaff@met.gov.to pe koe puha 1380 pe koe telefoni: (676) 0800638, 7400062 ki ha toe fakaikiiki.